

SEGUNDA ADDENDA AO CONVENIO PARA A ASUNCIÓN POLA ADMINISTRACIÓN XERAL DA COMUNIDADE AUTÓNOMA DE GALICIA DA CONVOCATORIA E DESENVOLVEMENTO DOS PROCESOS SELECTIVOS UNITARIOS PARA O ACCESO ÁS DIFERENTES CATEGORÍAS DOS CORPOS DE POLICÍA LOCAL ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA DA XUNTA DE GALICIA E O CONCELLO DE LUGO

A Estrada, na data da sinatura electrónica

REUNIDOS

Dunha parte, Diego Calvo Pouso, Conselleiro de Presidencia, Xustiza e Deportes da Xunta de Galicia e Presidente do Consello Reitor da Academia Galega de Seguridade Pública, actuando en nome e representación da Administración xeral da Comunidade Autónoma de Galicia en virtude das competencias que ten atribuídas no artigo 34 da Lei 1/1983, do 22 de febreiro, reguladora da Xunta e da súa presidencia, no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, no artigo 8 da Lei 1/2007, do 15 de xaneiro, da Academia Galega de Seguridade Pública e no artigo 2.2. do Decreto 115/2017, do 17 de novembro, polo que se regula a cooperación da Administración xeral da Comunidade Autónoma de Galicia cos concellos na selección dos membros dos corpos de Policía local, vixiantes municipais e auxiliares de policía local e o Decreto 49/2024, do 22 de abril, polo que se fixa a estrutura orgánica das consellerías da Xunta de Galicia.

Doutra, Mercedes Paula Alvarellos Fondo, titular da Alcaldía-Presidencia do Concello de Lugo, actuando en nome e representación deste en virtude das competencias que ten atribuídas pola Lei 7/1985, do 2 de abril, reguladora das bases do réxime local, e pola Lei 5/1997, do 22 de xullo, de Administración local de Galicia.

Recoñecéndose ambas as dúas partes con capacidade e representación legal suficiente para o outorgamento desta segunda addenda,



EXPOÑEN:

1. Con data 20.03.2019 a Vicepresidencia e Consellería de Presidencia, Administracións públicas e Xustiza (actual Consellería de Presidencia, Xustiza e Deportes) e o Concello de Lugo asinaron un convenio de colaboración para a asunción pola Administración xeral da Comunidade autónoma de Galicia da convocatoria e desenvolvemento dos procesos selectivos para o acceso ás diferentes categorías dos corpos de policía local. Este convenio foi prorrogado mediante addenda asinada o 08.03.2023.

2. O apartado primeiro da cláusula primeira do dito convenio prevía que o obxecto do convenio era instrumentar a delegación polo Concello de Lugo na Administración xeral da Comunidade Autónoma de Galicia das competencias relativas á convocatoria e desenvolvemento dos procesos selectivos para o acceso ás diferentes categorías do seu corpo de policía local.

3. O apartado segundo da cláusula primeira do dito convenio establecía que, en virtude da devandita delegación, a Administración xeral da Comunidade Autónoma asume durante o período ao que se estende a vixencia deste convenio a convocatoria e desenvolvemento de todos os procesos selectivos para as prazas das diferentes categorías do seu corpo de Policía local, segundo as necesidades de persoal que lle sexan comunicadas polo concello na forma e prazos establecidos no presente convenio e demais normativa de aplicación.

4. Con data 09.05.2024 o Concello de Lugo solicita á Academia Galega de Seguridade Pública que limite a delegación do Concello de Lugo á Administración xeral da Comunidade Autónoma das competencias relativas á convocatoria e desenvolvemento dos procesos selectivos para o acceso unicamente á escala básica do corpo da Policía Local que comprende as categorías de oficial e policía. Deste xeito, o Concello reservarase todo o relativo aos procesos selectivos para o acceso ás restantes escalas así como aos procedementos de mobilidade, argumentando que pola experiencia acumulada resulta mais áxil a tramitación municipal dado o menor número de participantes nos procesos selectivos.

5. Co fin de estudar a proposta do Concello de Lugo con data 11.06.2024 reúnese a comisión de seguimento do convenio prevista na súa cláusula sétima, integrada por dous representantes do Concello de Lugo e dous representantes da Academia Galega



de Seguridade Pública e se propón a formalización dunha segunda addenda ao convenio de colaboración asinado o 20.03.2019 entre a Vicepresidencia e Consellería de Presidencia, Administracións públicas e Xustiza (actual Consellería de Presidencia, Xustiza e Deportes) e o Concello de Lugo, prorrogado con data 08.03.2023 para a modificación da delegación outorgada no Pleno do Concello de Lugo de data 28 de febreiro de 2019, quedando delegadas á convocatoria e desenvolvemento dos procesos selectivos para o acceso da escala básica do corpo da Policía Local que comprende as categorías de oficial e policía, reservándose o concello de Lugo todo o relativo aos procesos selectivos para o acceso ás restantes escalas así como aos procedementos de mobilidade .

As partes reunidas, ACORDAN

PRIMEIRO. Modificación do apartado primeiro da cláusula primeira do convenio.

Modifícase o apartado primeiro da cláusula primeira do convenio, que queda redactada do seguinte xeito:

“Este convenio ten por obxecto instrumentar a delegación polo Concello de Lugo na Administración xeral da Comunidade Autónoma de Galicia das competencias relativas á convocatoria e desenvolvemento dos procesos para o acceso da escala básica do corpo da Policía Local que comprende as categorías de oficial e policía”.

SEGUNDO. Modificación do apartado segundo da cláusula primeira do convenio.

Modifícase o apartado segundo da cláusula primeira do convenio, que queda redactada do seguinte xeito:

“En virtude da devandita delegación, a Administración xeral da Comunidade Autónoma asume durante o período ao que se estende a vixencia deste convenio a convocatoria e desenvolvemento de todos os procesos de acceso para as prazas da escala básica do corpo da Policía Local que comprende as categorías de oficial e policía, segundo as



necesidades de persoal que lle sexan comunicadas polo concello na forma e prazos establecidos no presente convenio e demais normativa de aplicación”.

TERCEIRO. Publicidade.

En cumprimento do disposto na Lei 1/2016, do 18 de xaneiro, de transparencia e bo goberno de Galicia, e no Decreto 126/2006, do 20 de xullo, polo que se regula o Rexistro de Convenios da Xunta de Galicia, a Consellería de Presidencia, Xustiza e Deportes remitirá os datos necesarios para a publicidade do convenio e informará na páxina web oficial da devandita subscripción cos seguintes datos básicos:

- a) Identificación das partes que interveñen.
- b) Importe do financiamento.
- c) Data da sinatura.
- d) Finalidade.
- e) Período de vixencia.

A sinatura desta segunda addenda implica a autorización expresa para o tratamento necesario dos datos e publicidade referida no número anterior. As partes asinantes da addenda manifestan o seu consentimento para que os datos persoais que constan neste convenio, así coma o resto das especificacións que contén, poidan ser publicados no Portal da Transparencia e Goberno Aberto da Xunta de Galicia.

En proba da súa conformidade, as partes comparecentes asinan o presente documento na data da sinatura dixital.

O conselleiro de Presidencia,
Xustiza e Deportes e Presidente
do Consello Reitor da Academia
Galega de Seguridade Pública

A alcaldesa do Concello de Lugo

Diego Calvo Pouso

Mercedes Paula Alvarellos Fondo

